

聖

半農先生

集

紅豆齋藏板

南中集

積學齋徐乃昌感書

東吳 惠士奇 天牧

奔牛

寒日落奔牛歸人古渡頭帆從申浦去水入孟河流折
鏃餘殘壘藏書有舊樓遙知負薪者五月獨披裘

京口寄家兄

憶昔南徐月同登北固樓孤蓬今夜雨獨卧海陵秋地
入三山濶江連九派流應憐季行役白髮倚閭愁

陵與京口對岸江之壯闊處也南
兖州刺史每以秋月出海陵觀濤

舒城旅舍同陸鎬

一道龍舒北千家鵲岼西遠烟生竹市初日映鷗溪雨

過桃花落春深布穀啼何時歸買犢與爾對扶犁

贈舒城令沈以棧

邑是群舒地人同顧建康白雲王姥宅喬木李家莊卷
幔山當戶彈琴月滿堂羨君官舍好蕭洒坐胡床

家住語兒鄉門臨越水長樓中坐煙月湖上看鴛央夜

雨金櫻落秋風玉乳香知君歸興發應逐鴈南翔

吳越之交

呼石榴為金櫻
語兒出玉乳梨

自東林尋石門諸勝

窈窕入林壑青山路絕重言尋石門澗忽聽竹林鐘訪
舊懷三隱看雲過五峰坐來明月上清露滴杉松

潯陽舟中同陸鎬

買得潯陽酒同君倒玉缸可憐今夜月清影滿蓬窓雲
起青牛谷潮生白馬江不知天際水何日送歸艘

贛州

亂山斜抱古虔州瑟瑟蘆花滿渡頭五嶺南通荒徼路
十川東合大江流鳥衝莫靄投村樹人立殘陽倚舵樓
誰識天涯顛顛客暗拈詩筆賦屯游

張文獻公廟

古廟曲江頭斜臨越水流鐵胎仍二像金鑑已千秋覆
瓦榕陰碧侵階蕙艸幽唐陵盡禾黍文獻至今留

公像
以鐵

鑄俗呼錢胎相公有二
像一在廟一在郡庠

太息開元後朝多佞幸臣篋中藏白羽閣上拂紅巾位

並三台貴詩吟五字新哥奴莫相妬身是灌園人紅中見舊

書林甫本傳哥奴林甫小字公詩有灌園亦何為於陵乃逃相之語

海燕辭巢日何曾戀舊痕南州一麾去北闕幾人存蕃

將頻蒙寵胡雛竟負恩淒涼謫仙怨空向曲中論劇談錄玄

宗幸蜀次駱谷下馬望長安嗚咽流涕謂高力士曰吾用九齡之言不至此因上馬索長笛吹之有司旋錄成

仙名謫

韶石相傳莫舜南巡張樂於此

杖策登韶石晴江散綺霞昔聞稽古帝今欲步重華無

復來儀鳳空聞噪晚鴉湘妃渺何處寒日落長沙後漢書郵

野軍傳步重華於南注云步猶尋也

始至廣州

昔在長安市逢人問越鄉曾聞鳳子大果見蝦鬚長我

欲求丹訣相期跨玉羊羅浮渺何處空有梅花香王隱交廣

記云南陽滕修為廣州刺史或語脩蝦鬚長一丈脩不信其人乃至東海取蝦鬚長四丈四尺封以示修修乃服

登廣州五層樓

五府臨荒服東南湊廣州諸蕃脩貢職朝請自春秋嶺

向蠻中合江通徼外流蒼茫南越地盡入五層樓

樓迴嵐光逼雲低海氣昏山應分楚越水欲混乾坤萬

派通洗口千重束帟門從來形勝地設險至今存

廣州春日

廣州城南天下稀三月四月雨霏微青草瘴來遙度嶺

紅絲風起細吹衣一雙蛺蝶花間出五色鷄鷄江上飛
 見說鼉蛇常入饌養創春日更應肥沈懷遠南越志鷄且長食炫耀揚乎南裔異物志云鼉惟大蛇既洪
 廣州城南天下稀水雲籠樹影微微數峰隔岬初收雨
 一女臨江自浣衣紅蕉綠蕉參差發白鷗黑鷗來去飛
 無數小舟輕似菜月明網得鰕魚肥

送僧往南華

誰持半偈問支郎賴有何顛好不忘古殿繙經朝禮佛
 西窓剪燭夜聯床十年空看傳燈錄何日來尋補鉢莊
 獨向南華參六祖滿簾花雨宿山房南華寺達磨鉢有一指痕偽劉公庄所觸今寺有補鉢莊即公土捨也

虞仲翔故宅

今為光孝寺舊名虞宅

愛汝吞三畫高名動九州夢中逢道士身着鹿皮裘我
 欲尋虞苑因過佛寺游傳聞會稽郡尚有舊床留南齊竟陵王傳會稽郡閣下有虞翻舊床

廣州旅舍雜詠

旅舍青山郭千家積翠中憑欄蕉葉雨吹帽荔枝風香
 尉收金桂珠娘佩水葱此邦足吟賞酬唱與誰同金桂草南
海名香水葱花佩之宜男

久客諳風土經年旅食安堆盤荔奴熟屐齒橘兄酸留
 客開梅酒求仙服桂丸朱明他日到更覓海霞餐淮南子橘

柚為兄弟南方草木狀越人最重梅香耐非上客不得飲列仙傳南海桂父服桂丸得仙

南中集
四
染采南中好裁成片片霞
俚人輸竹布泉客織龍紗
綬長荃臺草衣香散沫花
年年兼兩去載一半入京華
春滂夏仍雨秋來尚鬱蒸
苦吟焚甲煎去佐睡倚銀藤
滑想枕柳麵香傳茉莉燈
旅懷無一事况有酒如澠

登肇慶閱江樓

客裡獨登樓樓前鬱水流
雨餘飛石燕沙暖闢潛牛
桂嶺起秋色蒼梧生暮愁
憑霄空有雀何處覓珠丘

噴雪牂牁浪來乘萬里風
開渠傳史祿鑿空去待唐蒙
東入三江合西流七水通
戈船從此下獨數夜即功

出鬱林有小渠
川水七見漢書

珠江

一片珠江水粼粼見底清
晚來江霧滿中有蜚船行半
夜覺潮上無人空月明
銜魚雙翠羽飛過越王城

七星巖

織女支機石仙人貫月查
還疑白沙海秀出青蕖花
我亦天街宿來瞻大帝車
西江山色好於此卧烟霞

為大帝車

秋深

天畔思歸客秋深白髮生
一行新雁影萬里故園情
曉日珊瑚市西風棘竹城
鄉心正悽絕况聽夜猿鳴

自高要往陽山夜發羚羊峽

夜發羚羊峽中流聞曙雞
山分鼓枝道水合彈丸谿
咄

咄烟中語猩猩樹上啼漸看珠斗沒殘月向人位咄鳥名

中宿峽

滄浦漢時關孤蓬海上還暮雲三水岼落日二禺山漠漠沙茸綠蕭蕭竹子班卷簾風浙浙雙鳥下漁灣

曲江登樓

獨倚天邊玉女窓寒烟漠漠鴈飛雙嶺蟠韶石連東嶠水散冷谿下北瀧風靜暮雲閒出岫雨餘秋影淡涵江此行準備登山屐兼買橫塘白板艘

韶州旅舍思歸作

何時得掩故園扉腸斷年年賦式微江左有花皆夜合嶺南無鳥不歸飛黃冷山遠秋雲細白鹿城寒木葉稀

瑟瑟西風起天末暮砧聲急泪沾衣

歸飛鳥見水經注

博羅望羅浮山

榕葉蕭蕭碧岼頭龍川一曲帶坳流水中明月三千丈天外芙蓉四百秋雲滿洞門仙子駐鳥啼深樹美人遊此行好待梅花發跨雀來尋小石樓

時有羽衣客往來乘鳳車僊僊鮑家女頭帶金莖花邀我雲中坐同看海上霞遙聞玉犬吠知是麻姑家

東坡白雀故居

白鶴峰頭路當年玉局來松風亭畔月昨夜梅花開我為看花去閒尋翟秀才斯人不可見落日空莓苔

公移居白

雀有夜過西隣翟秀才詩

廣州十二月書懷

風物娛遊子孤懷強自寬
鷓鴣知歲暮鸚鵡訴冬寒
山

鷓鴣正月一飛至十二月十二起新
唐書林邑獻鸚鵡式數訴寒詔還之

暫作南中客淹留歲月徂
鮫人元有淚野女本無夫
山

徑逢樸父烟波狎釣徒
持竿將入海真欲拂珊瑚

日南有野女羣
行不見夫

送莆田鄭孝廉錢塘王秀才同里朱叟渡海之瓊

州

遙望瓊山郡冥冥海外天
霧深防鏡槩潮落見銅船
越嶺無迴鴈蠻谿有跼鳶
君行過合浦一吊馬文淵

秋風滿桂林落日浮雲陰
何處夜吹笛武溪深復深
珠

厓開漢郡銅鼓奏蠻音
若聽南征曲知君淚滿襟

此去扶桑近騎鯨汗漫遊
金飛天外嶺木飲海南州
黎

母珠垂耳蠻童錦貫頭
異鄉真樂土好作賈胡留

一葉亂流渡東南水國遙
颶風起天末吹落海門潮
見

說金溪穴遙連銅柱標
看君挂帆去懷古一長謠

珠江夜泊呈壽張臧公
大受時公將蒞瓊州

月明江上罷吹螺伊軋中
流起蠻歌珠浦秋風鴻雁少

瓊山芳艸塵縻多遙看洲
島連雲起嘯引征帆截海過

此去扶搖三萬里使君何必
歎鯨波

漢書朱厓郡
山多塵縻

除夕寫懷

忽思北堂親不覺數行泣青山一萬重空望白雲白遠

遊豈得已三載曠子職晨昏侍庭幃仲出賴有伯吾家

三男子頭角頗戢戢更憐兩嬌女已曉整手跡兄子純正余子

純祐純孝兄女甲余女乙時戲大母前森然如玉立今宵宴北堂笑

語一哄集遙知侍板輿左右相扶掖椒盤輟箸時應念

天南客

持門賴健婦頗憶貧孟光今夕復何夕洗手調羹湯辛

盤與椒酒一一親排當夜半理梳裹燈前事晨粧君姑

尚未起鷄鳴候高堂躬躬偕先後雜珮鳴珩璜我亦夢

到家身侍阿母旁烏啼忽驚覺仍在天一方

夢回思往事石闕空啣悲緬惟遭喪日事遠尚可追先

君昔遷謫家細不得隨二載密雲尹溘然遂長違時余

行未至伯兄適南歸飯含未及視安用有子為一棺尚

寄止僻在城南陲遙憶今夜奠紙錢風吹灰吾聞古喪

禮未葬不釋縗念此痛欲絕有如刺心錐哀歌不成曲

我唱和者誰

韓江

一曲清江繞郡流東洲雲起接西洲雨晴蝴蝶飛花圃

日暮昏鴉集成樓丞相祠前山似戟侍郎亭畔月如鈎

木棉開遍芭蕉展腸斷春風鳳水頭

送馮士坦歸山陰

一杯送爾歸山陰觸忤東風故國心木客塚邊芳草細

美人宮畔落花深
半年魂斷梅銷嶺
萬里囊空陸賈金
我亦扁舟五湖去
靈威石室待同尋

寄吳中諸子

姑胥臺下別經年
家憶吳中四子賢
携酒共看鶯脰月
鬪茶同試帝丘泉
銅坑臘後花千樹
金鼎秋來水一天
更有閑情難忘却
顧家斑竹陸家蓮

湏陽峽

兩岼風含翠壁雲
春溪一曲水泐泐
峽從太尉山邊合
江到將軍廟下分
天際微波青玉色
林間白石錦苔文
回看蒼靄知何處
幾點歸鴉帶夕曛

望南華山

百尺菩提樹清陰
滿翠微遙知坐禪處
時有天花飛見說
雙峰寺猶傳六祖衣
好乘涼夜月來款竹間扉

夜泊廬陵

繫纜双流岼舟人語
夜闌推篷千頃白
歌枕一燈殘明
月鷓鴣洞秋風苦竹灘
平生流水意欲取素琴彈

鷓鴣洞見南唐書苦竹灘見南史周文育傳灘之上流則泥溪下流則芋韶其地當在廬陵界

泊舟樟樹鎮同王生

悵望楚天夕孤舟宿葦花
秋雲飛鷓嶺霜月照龍沙
跋見銀盤燭香浮碧盃
茶江州無限恨嗚咽訴琵琶

琵琶

王生善彈

月夜憶廣州寄陸鎬

夜靜月流空清光照粵東水生蒲澗綠花滿杏園紅對
舞仙山羽雙飛鶴草蟲知君猶未返留醉越王宮

廣州有杏

洲園

南昌

半空樓閣俯江濱漠漠烟波入楚氛天際自吹雙鳳管
雨中誰釣五溪雲好從洪井延霄客更上孤亭訪聘君
一夕秋霜楓葉老松陽門外落紛紛

南昌有鷹岡相傳蕭史遊憇處見水

經注陳陶隱南昌西山有白雲
閑釣五溪魚之句詳見南唐書

登滕王閣懷壽張臧公

拂棟高雲錦席涼卷簾山色滿斜陽江分上下歸彭蠡
地坼東南鎖豫章千里晚風吳鴈影一天秋水楚蘅香

憑欄却憶胡床月何似當年在武昌

晚泊彭蠡湖口

獨憑漁艇對秋山霜葉初紅露菊班一片孤城盪石步
數峰殘照落星灣荒野月哀猿嘯冉冉汀烟夕鴈還
無那歸心將逝水隨風千里到江關

曉發貴溪

寂寂滿江月白雲江上峰人家半臨水烟寺一聲鐘倚
棹憐風軟披衣覺露濃海霞先日上倒映碧芙蓉

桐廬

俯仰成今古風流尚有存青山巖子瀨綠樹戴公村好
續桐君錄誰招處士魂

謝皋羽

千秋名不滅始信布衣尊

錢唐別馮士坦月夜泛西湖作

雨餘烟景碧迢迢溪柳無風獨自搖一葉舟歸蘭上里
四更月湧浙江潮喜聞柔櫓知家近愁對孤燈覺夜遙
却憶嶺南留滯客幾回海上望金標謂錢唐王生同里朱叟
心期終不負山靈十載重來眼尚青明月影斜朱室塢
藕花香繞碧波亭魚遊池上空濡沫雀在松間自養翎
他日卜隣先有約與君結牖向南屏碧波亭見五代史

檳郎

摘來常貯鏡奩中賺得佳人玉頰紅禦瘴豈惟青木好
青木香能禦瘴解寒兼有白醪功南史白醪解冬寒剪成蛺蝶藏羅袖
結作鴛央滿翠籠遠信不須封豆蔻好將藥餞寄江東

檳榔一名賓門藥餞唐詩遠信開封豆蔻花

橘

從來佳樹生南國先數閩江次粵東結實珠垂丹徼外
開花雪噴瘴烟中未成生計千頭綠漫說懷歸兩袖紅
最憶黃柑三百顆洞庭一夕起秋風

木棉

猶記看花水殿旁乍疑朝日出扶桑海中絳雪流珠浦
天半朱霞映錫方暈酒全欺燕玉色照人分得早金光
西番有早金花其光燦人一枝莫被東風覺留與春閨伴醉妝

採蓴集

積學齋徐乃昌感書

東吳 惠士奇 天牧

姑胥臺懷古

五道通諸郡三江繞故都白猿終霸越黑犬竟凶吳人
去空芳草春來長綠蕪蕭蕭楊柳岼愁煞夜啼鳥

遙憶臺成日山中木客吟只今明月夜空有梧桐陰慄

慨專諸劍淒涼扈子琴千秋一憑弔霸業已銷沉吳王

姑胥臺夢前園橫生梧桐召公孫聖占之聖曰
梧桐心空不為用器但為甬僅與死人俱葬也

好上三臺望還從九曲行可憐文種水猶抱伍胥城風

雨松陵暗烟波笠澤清公孫今在否寂寞久無聲公孫

我死當使後世有聲
響及吳三呼三應

出胥口

搖艇出胥口青天挂月時水流明鏡遠雲度玉鈎遲回
首夫差國空餘伍相祠淒涼小海曲吹斷竹叅差小海曲吳

人為伍胥作

宿碧螺山勞山人宅

杳渺峰千疊冥濛水一灣悠然白雲裡獨往碧螺山北
澗釣魚罷西林採橘還偶逢樵牧侶相對倚柴關

尋周山人公贄不遇

何限山居客如君靜者稀脩然濠上樂久息漢陰機家
住青谿曲門前白鷺飛今宵明月好誰上釣魚磯

林屋洞

一自毛公去千秋竟不還空餘紫泉水流出白銀灣聞
說西門路遙通五岳山斯人如可作何處更追攀

包山寺

蒙籠入蘿迳穹窵出松林行到無人處始聞清梵音紅
泉千澗落黃葉四山深寂寂跏趺夜懸知世外心
包山精舍好况是夜禪時何異東林寺來尋慧遠師片
雲迎竹杖明月掛松枝却顧青苔徑蒼蒼白露滋

毛公壇

我本餐霞子狂遊第九天青山騎白鹿來訪綠毛仙落
葉封丹竈蒼苔漱玉泉遙知鸞雀侶長嘯彩雲邊

石公菴

紆徐度石梁一徑出松栢清風颯然來時見漁樵客橘
柚烟中寒枇杷山上白竟日無人過蒼苔餘鳥跡而我
偕素心焚香展瑶席窓間石氣青樹杪湖波碧已息群
動喧復此夜禪寂趺坐各無言片月升東壁

歸雲洞

瑤姬化彩雲飛出白銀闕飄然御長風來伴山上月月
落清風發彩雲歸去來且留巖際宿不敢向陽臺
菱湖如鏡倚天開一片金波瀉玉臺天上白雲流不盡
夜深隨月渡河來

明月灣

微雨晚來歇斜暉淡澗阿風鳴烏栢樹月上白鷗波楚
色分樵徑秋聲入棹歌懸知垂釣客涼露滿漁蓑

自石公山泛舟至消夏灣

又別石公去停橈明月灣長堤圍渌水紅樹點青山乘
舟更西渡遙愛東南路秀色蒼然來中流屢回顧回顧
翠微橫苔苔接太清暮帆欲亂寒鴉色秋澗長流玉磬
聲夜來仍鼓滄洲柂水清石瘦兩竒絕月上平添寶鏡
波風回半卷蘆花雪孤棹洄沿興不窮每逢佳處一推
篷青天漠漠鳥飛去飛上吳王避暑宮

同願紹敏郭豐貽徐葆光許士貞朱師錫勞城汎

舟消夏灣觀大小龍渚臨流置酒酣歌達曙
看雲悟時易觀水悲年徂人生不滿百對酒當歌呼閒

携素心友同醉黃公壚列坐憑水榭曠然望太湖是時
秋雨歇煙景猶模糊殘日帶林薄鮮飈起菰蘆須臾宿
霧滅遙見飛雲孤亭亭鶴俯啄宛宛龍垂胡跂跂虎傳
翼帖帖牛眠汙青山動鬣背白浪翻天吳臨流一舒嘯
頓覺煩抱蘇欲持一尊酒往勸雙龍姑龍姑亦好飲貽
我白玉壺傾壺與之飲一飲盡百觚君看洲島上歷歷
坐酒徒唐詩酒徒歷歷洲島

縹緲峰

太湖三萬頃上與銀河連銀河天上落秀出淶水蓮蓮
花照灼七十二中有一朶高摩天亭亭迥出紫霞表焰
焰獨倚紅雲邊清風吹我上天去振衣笑拍洪崖肩嘈

嘈天樂滿空下玉京正欲朝羣仙手攀南斗弄白日六
龍欲去仍回鞭散作餘霞半天赤水光雲影相澄鮮須
臾海月上東嶺玉沙瑤草紛芊眠輕綃片片剪霜菜積
素隱隱橫長烟銀臺白浪互出沒恍疑世界兜羅綿憶
昨看山九江口搖鞭走馬匡廬前五嶺崎嶇更南度側
身遙望羅浮巔尋仙曾遇勾漏令謁帝復飲蒼梧泉歸
來刺感不稱意每逢山水差安便俯仰人間三十載團
團一任風輪旋從今願賃古仙宅呼吸沆瀣還徂年

湖上曲

青山謝公屐青翰鄂君舟暮向湖中宿朝從嶺上游
已載黃公酒仍携素女絃滿傾金鑿落低按玉波蓮

湖邊范蠡宅宅畔有青山借問鴟夷子扁舟幾日還
獨往毛公洞毛公不可尋洞中逢道士携手出山陰
乘月向前溪前溪月如晝天上白玉盤飛來入懷袖
湖中石鼓鳴隱隱聞金奏蕭條壯士心夜半靈夔吼
坐月吹橫笛蒼龍夜出遊數聲龍女曲散作洞庭秋
獨策桃枝杖狂歌舟里中白雲自來去不見紫芝翁
黃柑大如瓜移植雙龍島龍姑不知名呼作安期棗
我友陵陽子垂竿釣白龍白龍新釣得騎上碧螺峰
採蓴曲

秋風瑟瑟起菰蘆張翰當年憶五湖解道蓴絲下鹽豉
陸機何事不歸吳

坐月酬鄭鉞見懷之作

明月上西軒流光照積雪開軒一長望皎皎千里潔佳
人怨遙夜起坐彈金屑為我操孤鸞悵然感離別相思
報瑤華無使音塵絕

三月三日同顧琳韓景曾省魯昆季載酒遊北園

袂褱臨清流憑欄送春日還從西澗濱遙望東皋綠襟
樹帶烟郊青山出茅屋披襟澹忘言幽鳥鳴深竹
攬茲松石間吾意在丘壑况逢素心人載酒青山郭微
雨洗芳原春風滿華薄坐來日平西花影尊前落

送顧前輩三曲同翁使君萬年至廣東

天畔報聲叫鷓鴣輕舟直到越王都水生香浦春風細

露冷花田夜月孤進士定裁芳草賦使君只寫荔支圖
一尊遙憶論文地同醉珠娘舊酒壚

以見意劉崇龜為清海軍節度使姻舊或干以
財率不富但寫荔支圖與之清海軍治廣州

懷元上人

憶昨招提尋寂樂妙香常向靜中間看花西磧春正月
聽雪東禪夜五分一片心情俱是水十年聚散各如雲
何時更續張劉會與爾同翻貝葉文

同顧琳鄭鉞晚步北園至天龍精舍

携手過溪橋和風扇華甸行逢夏木陰坐聽鳴禽變落
日橫渡頭餘霞散水面翛然上高原塔影波中見
夕陽滿招提來問坐禪客側徑入深林披雲卧盤石娟

娟紫蘭花晚露含幽色幸托高僧居寧期美人摘

田家行

二月青蟲初化蝶三月紅蠶欲斷葉桑榆門巷綠陰成
四月家家縹白雪屋邊豆苗垂宛宛鴈齒叢長雀梅短
道中歷亂蝦蟆衣昨夜雨來牛跡滿竹鷄啼罷楚鳩語
十日田家九日雨平旦開門看天色聲殺老扈催收麥
日出腰鎌向隴頭桑間驚起黃離留

牧童詞

溪水碧溪上牧童青箬笠烏犍斜繫柳陰中藉艸卧吹
三孔笛橫鞭還過飲牛亭亭邊撲撲飛牛童雀兒鼓翅
蝦蟆跳陂塘水滿齊牛腰歸來仍放春山郭遠樹阡阡

烟漠漠日暮聞歌不見人隔林月下敲牛角

簇蠶詞

麥風細蠶眠地桑葉殘蠶上山蠶房漸覺侵微暑乍暄
還冷愁煞汝朝熱熏籠夜點燈竊脂驅雀猫捕鼠一日
茸茸粉絮結兩日堆堆白於雪三日團團論斗盛小婦
量來大婦稱繰出新絲付機杼織成十樣花紋綾君不
見繭稅年年充國課浴蠶娘子常衣布

樵客行

春山暮山花吹滿樵人路平原淺草連天遠樵風初起
樵雲卷數聲樵唱出林間夜夜歸來擔頭滿曉上陰崖
逢月黑前溪虎去猶留跡昨宵山水漂人家失却澗邊

磨斧石伐木當伐檀刈薪當刈蘭刈蘭為佩檀為輻免
使年年老空谷

行路難

奉君以三台之文馬藉君以七寶之香羶繫君以青絲
之珠勒拂君以白玉之金鞭局趣人間不足步飄然遐
舉凌紫烟朝遊羅浮上夕宿峨嵋巔飢餐扶桑椹渴飲
玉醴泉長揖盧敖入雲去與君一別三千年

君不見蘇武看羊海上還班超生入玉門關丈夫慷慨
行萬里何為別淚流萑蘭我能上下身熱頭痛之高山
又能往來羊腸虎辟之危灘往來上下如飛鳥凌雲健
翮空中矯人間行路皆坦途獨有人心不自保誰識區

區一寸心中具七盤十二繞歷落嶽崎笑此生不知懷
抱向誰傾每從藕孔中間過常在針鋒側畔行

西園桃李花含後

綏音

蜜蜂粉蝶飛相隨昨夜東風吹雨

急落花滿地無顏色紛紛蜂蝶入誰家日暮佳人長嘆
息君不見長安卿相多雅遊結交不惜千金擲招致翹
材館內賢深藏廣柳車中客當時雀蓋自成陰今日雀
羅空舊宅故人誰禮竇王孫獨有灌夫心不易又不見
南國風流任彥昇獎成後進文章伯出守曾為山澤遊
還朝仍引簪裙集片言拂拭生輝光能使青雲生羽翼
葛帔淒風又一時可憐有子誰收卹已矣交情勿重陳
人間何限禹川人

上君白玉階坐君黃金屋當時自謂可君意誰識君心
猶未足展開錦障五十里裁作珠裙一百幅侍史朝鋪
畫石床美人夜執金花燭歷歷清歌衛少兒嗟嗟軟舞
孫荆玉那知樂極自生愁不待雍門淚始流一代繁華
竟何有可憐零落歸山丘君不見古人雖貴猶思賤被
服提携常不厭宋武緘封舊日夜漢宣詔索微時劍

唐宮詞

新蒲細柳曲江頭一帶山光翠欲流春日潛行何處好
采霞亭畔紫雲樓
六時宮漏滴銅龍百尺樓高十二重天外何來花鳥使
一雙飛上玉芙蓉

桃花叱撥錦障泥日暮垂鞭過御堤不用馬前排熾炬
腰間自有夜明犀

朱輶香車豹尾中金錢遍給小行從北門學士常隨駕
勅賜天閑皎雪驄

泛舟春苑上蓬萊侍從誰非作賦才閣外傳呼閣立本
何人知是畫師來

侍宴羣臣共賦詩西京獨有鄭公辭可憐酒半回波舞
不是當年積翠池

六王宮殿夾城邊興慶池頭家可憐一夜雨聲添數尺
杏花春水闌鴛天

昨日春歸柳圈中微涼殿角起熏風蒲萄園裡朱櫻熟

中使擎來滿翠籠

七月齋時起八關幡花寶蓋繫金環不須更設盂蘭會
別有宮中萬佛山

宣和宮詞

院院燒燈夜出遊党千簫鼓孟宣球月明如水人來往
馬上頻呼看駕頭

朱叔十里御溝清水鳥飛來樹上鳴日暮駕回花滿髻
金鞭徐控小鳥行

小鳥御馬名

飛花糝徑草鋪堤楊柳千條蘸水低三月蝦蟆亭畔路
踏歌齊唱鷺山溪

寶津馳射捷如神上馬旋風下綽塵走過樓前人不見

那知鐙裡巧藏身

寶津樓走馬有旋風綽塵及鐙裏藏身等戲

金明池畔彩樓前歲歲簪花侍御筵十二珠簾齊揭起
大家都看水鞦韆

十里長亭接短亭數聲柔櫓出烟汀龍舟斜繫垂楊岬

玉轡牽來鵝鴿青

鵝鴿青駿驥名

御宴開時捧帝壺蓮花肉餅蜜浮酥青羅斜綰仙人髻
知是登場李伴奴

數竿寒玉麓雲亭一枕松風泛雪廳小立枇杷巖石畔
海棠無力倦依屏

一顆新橙進御時官家獨賜李師師尊前細語無人覺
休唱吳鹽勝雪詞

兩兩鴛鴦戲綠蒲君王點筆古來無青田不是人間鳥
別寫筠莊縱宦圖

竹迳蕭蕭似水村淡烟微雨近黄昏白雲滿地不知處
月下美人開洞門

會春閣上曉妝成矚矚窓間曙色明獨對芙蓉頻顧影
隔簾風捲賣花叢

一入雲中更不還紅塵飛鞚過燕山星袍玉帶無消息
休問當年二聖環

為施稼村先生題歸田圖

七十懸車尚未遲高情千古幾人知少年便作遺榮賦
晚歲還吟告老詩

北魏高允告老詩

曉露滿庭花落後清風一

枕夢回時知公心似投林鳥不羨鷓鴣集鳳池

交情生死見公難不忘清谿舊釣灘聞說牖間窺伯始

憶曾車下拜王丹詩留古寺題紅豆夢入孤雲繞白檀

密雲古今日登堂重話雨披圖不覺泪萑蘭漢書涕泣流兮萑蘭

乙卯鄉舉稼村與先君同受知于石門勞公故有牖間窺伯始之語

為宋葯洲先生題出塞圖

躍馬過臨洮當年意氣豪首簪銀立筆腰佩玉環刀令

比三秋肅功成一箭高試看真學士千騎擁旌旄宋史學士

立簪銀筆

呈彭南昉先生

鶴裘藜杖葑溪邊跋石眠雲已十年真率會中稱國老

蕭閒堂上領群仙退休今日歸蓮社入直當年侍御

筵有詔賜來淄石硯千秋青史待公編溫公居洛脩通鑑英宗詔

賜淄石硯

贈宋堅齋先生

昔歲黃扉直人呼白馬生今為烏府長獨駕赤牛行

主聖思忠讜時清仗老成懸知有封事應奏泰階平

自罷蘭亭會空餘翰墨留因公脩禊事更續永和遊好

上山陰道還乘謝傳舟何人賡絕唱小宋最風流

數曲方三世傳家在一經高懷希竹素餘論及丹青選

畫觀文殿披圖太液亭他年留粉墨猶見舊型儀

東同年申惠吉附

蕪城月白夜飛鳥憶爾高吟擊唾壺鶴板早書新爵里

馬坊仍授舊生徒南朝選人皆書姓名于雀頭後來曾

入題名集前好空知賣酒壚記得邢子才事昔年聞喜宴鶯啼春

色滿 皇都



